


Mansang Dalam Kristus



Pelajar Ngiring Orang TI Baru Dalam Pengarap

Ditulis Brian Chua

Disalin ngagai Iban ulih HMB, Sarawak Baptist Church

ISI PELAJAR TU

Pelajar 1	
Allah Taala ti bemulia.....	3
Pelajar 2	
Jaku Allah Taala.....	6
Pelajar 3	
Dosa Enggau Pengerusak Ti Dibai Iya.....	9
Pelajar 4	
Jesus Idup.....	17
Pelajar 5	
Saut Kitai.....	22
Pelajar 6	
Roh Kudus.....	25
Pelajar 7	
Baptisa Enggau Pemakai Tuhan.....	29
Pelajar 8	
Besampi Enggau Nyembah.....	31
Pelajar 9	
Nanam Sereta Ngetau.....	37
Pelajar 10	
Penangi Ti Kudus ke Allah Taala.....	42

Pelajar 1

Allah Taala Ti Bemulia

A. Jaku Pemuka

1. Allah Taala ti bekuasa endang bisi kenyau dunya nyadi lalu nadai orang ngaga Iya.
2. Allah Taala nya pengaga enggau pengatur dunya enggau semua isi iya.
3. Iya ngasuh utai ti idup ngelala Iya nengah penyadi dunya, nengah jaku Iya, pia mega nengah anak tunggal iya, Jesus Kristus.
4. Taja pen Allah Taala nya kelalu mulia sereta enda ulih diperetika kitai enggau dalam tang kitai agi ulih ngelala Iya.
5. Ulih pengarap, kitai ngelala Iya ari pengawa Roh Kudus ti ngaga kaul antara kitai enggau Kristus.
6. Kitai mega tau ngelala Allah Taala nengah Jaku Iya ti diayanka nengah Bup Kudus.
7. Ba pelajar tu, kitai deka belajarka pasal ulah enggau perangai Allah Taala.
8. Lebih dalam agi kitai ngelala Allah Taala, lebih dalam agi pengerindu kitai ke Iya.

B. Ulah Asal Allah Taala

1. Allah Taala nya Roh
 - (a) Tuhan Jesus Kristus ngajar kitai, Allah Taala nya Roh (John 4:24). Allah Taala nya nadai batang tubuh.
 - (b) Allah Taala nya enda ulih peda. Tang kitai ulih meda Iya dalam Jesus Kristus.
2. Allah Taala enda berubah
 - (a) Allah Taala nya empu enda berubah (Hebrew 1:12), enti enda pia Iya enda menyana tauka enda lengkap.
 - (b) Semua utai dalam dunya tu deka lenyau tang Allah Taala mengkang enda berubah (Hebrew 1:10-12).

3. Allah Taala Nya Besai Kuasa (Omnipotent)
 - (a) Kuasa Allah Taala nadai sekat.
 - (b) Allah Taala ngaga sereta ngatur semua utai, tang taja pia Iya nadai bisi pengirau (Isaiah 40:27-31).
4. Allah Taala Nemu Semua Utai (Omniscient)
 - (a) Allah Taala ngembuan semua penemu enggau pengelandik (Jop 38:39, Rome 11:33-36).
 - (b) Iya nemu semua utai ti nyadi-udah lepas, ke diatu enggau ke jemah ila.
 - (c) Iya mega nemu runding enggau tuju ati kitai, baka ti dipadahka dalam Bup Kudus (Jop 37:16, Masmur 147:5, Hebrew 3:13).
5. Allah Taala Bisi Ba Semua Endur (Omnipresent)
 - (a) Allah Taala nya bisi ba semua endur ba awak ti sama.
 - (b) Iya ukai semina ba sekeda endur aja tang bisi ba semua endur ba sebarang maya (Masmur 139:7-12)
 - (c) Allah Taala enda diempu siti bansa tauka siti jeman.
 - (d) Ianya Allah semua dunya, serega enggau ngelui ari nya mega.

C. Ulah Pendiou Allah Taala

1. Allah Taala Nya Kudus.
 - (a) Pengudus nya pendiau Allah Taala ti menyana sereta nadai penimpang.
 - (b) Laban Allah Taala nya kudus, Allah Taala ngangauka nemiak Iya mega idup kudus, lalu Iya nyendiaka jalai ke nama-nama peminta Iya.
 - (c) Pengudus nya pemeru Allah Taala ti diterima kitai ulih pengarap ke Anak Iya, Jesus Kristus (Epesus 4:24).
2. Allah Taala Nya Pengerindu
 - (a) Endang ulah Allah Taala ti asal, Iya Allah Taala ti penuh enggau pengerindu. (1 John 4:8, 16).

- (b) Allah Taala rindu, meri diri sereta merinsa-kategal pengerindu Iya meri diri mati ba atas kayu regang nyelamatkan semua mensia.
 - (c) Dalam pengerindu Iya, Allah Taala nyendiaka semua utai ti manah ungkup utai ti digaga Iya (Pemungkal 1:31, Masmur 145:9).
3. Allah Taala Nya Pemendar
- (a) Semua pemendar endang bepun ari Allah Taala.
 - (b) Pemendar tau ditemu kitai dalam Jesus.
4. Allah Taala Nya Pengelandik
- (a) Pengelandik Allah Taala diayanka ari pengawa Iya ti ngaga utai ti pepadu manah ngena jalai ti pepadu manah sereta ungkup tuju ti pepadu manah.
 - (b) Pengelandik Allah Taala diayanka nengah Jesus.

Ngingatka Ayat

Ulang Adat 6:5, “lalu kita enda tau enda rinduka TUHAN Allah Taala kita enggau pengabis ati kita, enggau pengabis semengat kita, enggau pengabis pengering kita”

Pelajar 2

Jaku Allah Taala

A. Jaku Pemuka

1. Jaku Allah Taala (Bup Kudus) – Bup Allah Taala ti chukup besai reti.
2. Iya enda sebaka enggau bup-bup bukai, tang nya bup ti bekuasa.
3. Iya ditulis ukai ulih orang siku aja tang orang mayuh ti nerima pesan ari Roh Kudus (1 Timoti 3:16)
4. Bup Kudus udah dikalihka ngagai pemadu mayuh leka jaku bansa bukai ngelui bup-bup ti bukai.
5. Iya endang agi mengkang bup ti pemadu berega ba dunya ke diatu laban dia kitai nemu saut ngagai tanya tu:
`Ari ni penatai aku?`
`Nama kebuah aku bisi ditu?`
`Kini ke penunga aku?`
6. Taja pen Bup Kudus nya ngundan 66 iti bup ti mit, iya semina bekenangka utai sebengkah tu: Jalai tauka atur Allah Taala nyelamatkan mensia.
7. Bup Kudus dibagi ngagai dua:

Penyanggup Lama
Penyanggup Baru
8. Penyanggup Lama bekenangka pasal pengawa Allah Taala ungkup anembiak Iya sebedau penatai Jesus Kristus.
9. Penyanggup Baru ngajar kitai pasal pengada Jesus, pengidup Iya, pengawa Iya ti ngerai sereta ngampun orang sakit enggau bedosa, pematIya ba atas kayu regang, pengangkat Iya ari pematIya enggau peniki Iya ngagai serega.

B. Belajarka Bup Kudus

1. Kaul pepadu berega ti patut dikembuan nuan dalam pengidup ianya kaul enggau Allah Taala.
2. Ari ti macha Bup Kudus nuan deka meretika sapa sereta bakani Allah Taala nya-runding Iya, jalai Iya ngadu ke pengawa enggau jaku semaya Iya ngagai nuan.
3. Riph Isi Bup Kudus ti diengkah ba lambar mua Bup Kudus deka nulung nuan ngiga bagi Bup Kudus ti deka dibacha nuan.
4. Kena nulung nuan ngiga bagi dalam Bup Kudus, orang ti ngatur Bup Kudus udah nusun ia ngagai:
 - Bup
 - Bagi dalam Bup, enggau
 - Ayat dalam Baginya.
 - Ambika banding, enti nuan muka ngagai “Pemungkal 2:18”, retinya:
 - Bup Pemungkal
 - Bagi ti kedua, enggau
 - Ayat 18.

C. Tu Semaya Ti Pepadu Besai Ngagai Dunya

“Laban Allah Taala balat rinduka dunya, nya alai Iya meri Anak Tunggal Iya, ngambika genap iku orang ke arapka Iya enda mati tang bulih pengidup ti meruan belama iya. (John 3:16)

D. Guna Bup Kudus

1. Jaku Allah Taala meri pengidup (peda John 6:33).
2. Jaku Allah Taala baka ai – ia nuchi.
3. Kitai ngepunka pengidup dalam Perintah Allah Taala lalu kitai endang udah ”dituchi beresi” ulih Jaku Allah Taala (peda John 15:3).
4. Jaku Allah Taala ditanam dalam ati kitai, nyeliahka kitai ari dosa (peda Masmur 119:9, 11).
5. Jaku Allah Taala nya terangka pengidup kitai (peda 2 Peter 1:19).
6. Jaku Allah Taala nyaup kitai idup ba dunya ti petang tu (peda Masmur 19:8, 119:105, 130).

7. Jaku Allah Taala nya pemakai roh kitai (peda Matthew 4:4) lalu arinya kitai deka mansang dalam pengidup roh (1 Korint 3:1-2, 1 Peter 2:2).
8. Jaku Allah Taala nya baka pedang (peda Epesus 6:17).
9. Jaku Allah Taala nulung kitai besampi (John 15:7).
10. Jaku Allah Taala ngasuh kitai kering dalam Kristus (Matthew 7:24-25).
11. Jaku Allah Taala ngajar kitai jalai bekaul enggau Allah Taala ti idup.
12. Sapa orang ti ulih mereti sereta nerangka Bup Kudus enti enda orang ti nulis iya?
13. Lebu Bup Kudus dibacha ulih iring penulis iya-Roh Kudus-jaku nya nyadi idup lalu nulung kitai idup ngena chara orang kristian lalu mansang tuai dalam pengidup roh kitai.
14. Anang semina ningaka Jaku Allah Taala aja –tang kereja utai ti dipadah dia (James 1:22).

Ngingatka Ayat

Hebrew 4:12: Laban jaku Allah Taala idup sereta bekuasa, tajam agi ari pedang ti bemata dua, ti ngerejang datai ke iya nyeraraka semengat ari roh, nyeraraka buku tulang ari untak tulang; iya ulih ngakim runding enggau niat ati mensia.

Pelajar 3

Dosa Enggau Pengerusak Ti Dibai Iya.

(1) Nama Reti Dosa

A. Jaku Pemuka

Bacha 1 Samuel 12:15

1. Bup Kudus madah ke kitai Allah Taala enda rindu meda dosa nya kebuah kitai patut ngelengkaka dosa.
2. Ba pelajar tu kitai deka meda nama reti dosa:

B. Nama Ti Disebut Dosa Dalam Bup Kudus.

1. Dosa nya ngelaban Allah Taala.

Bacha 1 Samuel 15:23

- (a) Sitan, nama ti diberi ngagai iya ti jai-pengelaban Allah Taala, tauka munsuh Allah Taala enggau mensia. (peda 1 Bansa Israel 21:1).
- (b) Sitan menya melikat Lusifer, siku ari ketuai melikat Allah Taala ti digaga ngambika mai muliaka Allah Taala.
- (c) Lebuah penyumbang merintah ati Lusifer, iya ngangkatka diri empu lalu ngelaban Allah Taala, arinya iya lalu dibuai ari serega ngagai dunya.
- (d) Sitan mengkang ngelaban Allah Taala lalu mengkang bekerja ba dunya datai ke diatu. Iya ngansak mensia ngambika nulak Allah Taala lalu meransang sida nitih ke jalai diri empu.
- (e) Allah Taala beberat amat ke pengawa ti ngenggai ke Iya. Allah Taala meda pengawa ti ngelaban Iya sebaka enggau pengawa bemanang sereta nyembah engkeramba.
- (f) Jesus madahka pesan ti pemadu besai ianya nuan enda tau enda rindu ke Tuhan Allah Taala nuan enggau pengabis ati, enggau pengabis semengat, enggau pengabis runding sereta enggau pengabis pengering. (Mark 12:30)
- (g) Mayuh orang madah sida enda kala bedosa laban sida nadai ngereja penyai.

- (h) Sida nadai enchuri tauka munuh orang, arinya sida enda nyerahka pengidup sida ngagai Allah Taala, betuaika Iya enggau pengabis ati.
 - (i) Allah Taala ngaga kitai ngambika kitai ngaga kaul enggau Iya.
 - (j) Allah Taala enda tau enda diengkah kitai dulu dalam ati kitai.
 - (k) Seluruh pengidup kitai enda tau enda diserahkan ngagai Iya, ulih pengarap kitai deka ngelantangka ati.
2. Dosa nya ba pengawa ti dikereja kitai.

Bacha 1 John 3:4

- (a) Dosa keterubah datai ke dunya tu lebuah mensia enda ngasi ke Allah Taala ba Kebun Eden.
- (b) Allah Taala udah meri atur ti chukup ngagai mensia, tang sitan ngasuh Adam enggau Awa enda arapka Jaku Tuhan lalu seduai makai buah ari kayu ti enda diasuh Allah Taala empa.
- (c) Bup Kudus meri atur ti chukup ngagai mensia, bakani sida tau ngelantangka ati Allah Taala.
- (d) Mensia bedosa setiap kali sida enda ngasi ke atur Allah Taala. Dosa nya ngereja utai ti enda ngelantangka Allah Taala.

3. Dosa Nya Ba Runding Kitai.

Bacha Matthew 5:27-28

Ilustrasi:

Bisi dua iku nembiak belaya ke roti. Indai seduai ngerara lalu ngasuh seduai badu belaya. Tang seduai dua iku nya enda puas ati lalu ngiga jalai dikena ngemedis pangan diri. Taja seduai udah badu belaya, seduai agi mengkang ringat lalu enggai ngampun pangan diri-seduai agi mengkang nyimpan dendam dalam ati.

- (a) Mayuh kitai deka madahka nembiak dua iku nya enda bedosa laban seduai nadai ngereja utai ti jai.
- (b) Tang dalam runding seduai bisi pengeringat, dengki, pemedis ati enggau utai bukai.
- (c) Dosa ukai semina enda ngasi ba pengawa tang enda ngasi mega dalam ati enggau runding nuan.

4. Dosa Nya Ba Mulut Kitai.

Bacha Jaku Dalam 10:19

- (a) Bup Kudus endang mayuh bekenangka pasal utai ti disebut ngena mulut kitai.
- (b) Allah Taala ukai semina ngayan ngagai kitai nama utai diasuh Iya kereja tauka dikerunding kitai, tang mega bakani ngelantangka Iya ngena mulut.
- (c) Jaku sumpah, bula, berandau bejai orang, bejakuka orang ba belakang, mantah tauka besalah pangan diri; enda ngelantangka ati Allah Taala (peda James 4:11).

5. Dosa Nya Endang Ulah Mensia.

Bacha Rome 5:12, 19

Ilustrasi:

Apai orang siku enda lantang ati lebuah iya nemu anak iya ti baru umur 2 taun ngemulaka indai iya. Apai iya iran bendar, ari ni anak iya belajar bejaku bula.

- (a) Anembiak mit enda ibuh diajar bejaku bula-tang nyadi bakanya laban nembiak mit mega bedosa.
- (b) Semua kitai ngambi ulah apai kitai Adam ti bedosa lalu benih dosa nya bisi ba kitai.
- (c) Anak kitai mega deka nerima benih dosa nya ari kitai.
- (d) Bup Kudus madah kitai ukai semina bisi dosa tang kitai udah bedosa.

C. Semua Bela Uдах Bedosa

Bacha 1 John 1:8

- (a) Lebuah kitai betatika nama reti dosa nya, kitai mesti ngaku semua kitai bela uдах bedosa magang.
- (b) Nadai siku orang ti enda bedosa laban semua orang uдах bedosa magang,
- (c) Kitai mega mesti ngaku, kitai beguna ke Allah Taala ngaduka dosa dalam pengidup kitai lalu ngelepaska kitai.

Ngingatka Ayat

Rome 3:23: laban semua bela uдах bedosa magang lalu jauh ari mulia Allah Taala.

(II) Pengerusak Kategal Dosa

A. Jaku Pemuka

Bacha Rome 3:10, 23

- (a) Ba pelajar ti dulu, kitai udah belajar, semua kitai bela udah bedosa magang.
- (b) Rome 3:23 mega madahka asil ari kitai ti bedosa. Kitai udah jauh ngejang ari mulia Allah Taala.
- (c) Aram kitai sama beratika ba pelajar tu, nama reti jauh ngejang ari mulia Allah Taala.

B. Kaul Mensia Enggau Allah Taala.

Bacha 1 John 4:8

- (a) Dalam ayat tu kitai meda ulah Allah Taala. Allah Taala nya pengerindu. Allah Taala ukai semina pengerindu. Iya empu ti pengerindunya.
- (b) Laban Allah Taala nya pengerindu, Iya begunaka orang kena mandangka pengerindu nya. Adam enggau Awa ngemenuhka penginein ati Allah Taala nya ba Kebun Eden.
- (c) Ba Kedun Eden, Adam enggau Awa bekaul sereta nerima berekat ari Allah Taala.

C. Allah Taala Nya Allah Taala Ti Kudus.

Bacha Habakuk 1:13a

- (a) Ayat tu madah ka kitai mayuh agi pasal ulah Allah Taala.
- (b) Ianya Allah Taala ti kudus lalu enda bekaul enggau dosa.

D. Dosa Nyerara Kitai Ari Allah Taala.

Bacha Isaiah 59:2

- (a) Kaul mensia ti manah enggau Allah Taala ba Kebun Eden putus lebuah mensia bedosa.
- (b) Kitai jangka nanya, 'Enti Allah Taala nya manah sereta penuh enggau pengerindu, nama kebuah kaul tu putus?'
- (c) Laban Allah Taala nya kudus, iya enda bebatak asur enggau dosa.

Ilustrasi:

Kaul mensia enggau Allah Taala baka kitai ti meda sungai ti besai buka (baka batang Rejang). Ba seberai sungai mulia Allah Taala lalu ba seberai nya mensia ti bedosa. Ba tengah-tengah bisi darung ti besai nyerara mensia ari Allah Taala. Ari nya tadi mensia enda ulih nerima berekat ti besai ti datai ari kaul enggau Allah Taala ti bekuasa.

(d) Mensia jauh ngejang ari mulia Allah Taala kategal ti nyerara diri ari Allah Taala.

E. Asil Kategal Ti Nyerara Diri Ari Allah Taala

1. PEMATI

Bacha Pemungkal 2:17

Dosa mai pemati ngagai mensia nengah 3 jalai:

1. Pemati tubuh

- (a) Dosa mai penyakit enggau pemati ngagai dunya.
- (b) Lebu mayu Adam enggau Awa bedosa, tubuh asal seduai mupuk mati (peda Pemungkal 5:5).

2. Pemati Roh

Bacha Epesus 2:1

- (a) Jaku Tuhan ditu bekenangka pasal orang ti agi idup tang ba awak ti sama sida disebut mati.
- (b) Mensia endang mati dalam roh enti nadai Jesus.
- (c) Dosa nyerara mensia ari ti bekaul enggau Allah Taala.

3. Pemati Ti Meruan

Bacha Rome 6:23

- (a) Maya deka datai endur setiap iku orang deka mati lalu tubuh sida pulai ngagai kubur.
- (b) Semengat, diri kitai ti amat-amat ti dalam tubuh kitai, enda mati.

- (c) Enti nadai Jesus, semangat mensia deka diserara belama-lama ari pengerindu Allah Taala ba neraka-tu meh pematu ti pepadu pedis.

2. **PENGASAI BEDOSA**

Bacha Pemungkal 3:7-10

- (a) Keterubah, Adam enggau Awa bisi pengelantang enggau Allah Taala ba Kebun Eden.
- (b) Laban berasai besalah sereta malu ke dosa diri, seduai belalai sereta takut ke Allah Taala.
- (c) Mayuh orang diatu enda ngaku sida udah bedosa, tang ati ti berasai bedosa berat amat dalam ati sida lalu ngerumpak semua pengelantang ari sida.

3. **PENUSAH ATI**

Bacha Pemungkal 3:14-19

- (a) Sebedau mensia bedosa ba kebun Eden, nadai bisi laya lalu semua utai ti diguna sida bela udah sedia magang.
- (b) Tang diatu, Allah Taala madah mensia deka berperang ngelaban sitan (ayat 15) lalu iya enda tau enda gawa bebendar ngulihka utai ti dipeguna diri.
- (c) Ba dunya kediatu, dosa udah mai mayuh penusah ngagai pengidup mensia.
- (d) Sekeda utai tu baka laki sarak enggau bini, bebunuh, merugul, pemerinsa, makai dadah, ngerumpak enggau mayuh macham agi.

4. **PEMETANG**

Ilustrasi:

Orang siku bejalai nengah jalai ti mayuh lubang lebuah malam hari. Lebuah hari agi siang, orang tu enggau lantang tetemu ke jalai iya lalu nyeliahka lubang. Tang lebuah maya hari nyau petang iya tesangkut ba jalai lalu labuh ke dalam lubang ti ngujungka iya telih.

Bacha Jaku Dalam 4:19

- (a) Dosa mai pemetang.
- (b) Enti nadai bisi terang Allah Taala manchar, mensia deka tesangkut dalam petang lalu enda nemu jalai ti patut dituju.

- (c) Ari nya mensia deka labuh ngagai mayuh macham panjuk ti ditan ke sitan ngambika ngerusak kitai.

5. **ULUN**

- (a) Dosa ngaga mensia nyadi ulun.
- (b) Kitai enda ulih ngereja utai ti dikedeka kitai tang diulun baka orang ti ditanchang enggau rantai.
- (c) Mensia ti dalam dosa diserara ari pengelantang ti dikembuan ba Allah Taala.

F. Mensia Enda Ulih Ngelepaska Diri Empu

Bacha Jeremiah 2:22

1. Kategal ti lenyau sereta ditanchang dalam dosa, mensia nguji enggau naka ulih ngelepaska diri empu ari pengidup ti nadai bisi pengadang nya.
2. Mayuh orang ngasaika ngereja utai tu deka nulung sida; ngereja pengawa ti manah, nurun ngagai gereja, bempuka pelajar ti tinggi, nguji ngemanahka diri enggau naka ulih ngena mayuh macham jalai (peda Jaku Dalam 14:12).

Ilustasi:

Peratika dosa ti ninggi bukit nyerara kitai ari Allah Taala. Mensia ti nguji ngereja mayuh macham kereja ti manah disempamaka baka ti nguji ngaga jambatan meraka bukit nya. Bup Kudus endang terang bendar madah semua jalai tu enda ulih nyadi ke jambatan.

3. Mensia enda ulih ngereja pengawa dikena ngelepaska diri empu tauka ngemanahka baru kaul ti udah rusak enggau Allah Taala (peda Kereja Rasul 4:12).
4. Enda ngira ni pemanah jalai mensia, nya enda ulih ngelarika pengasai ti bedosa ari iya (Isaiah 64:6).

G. Tuhan Yesus Nya Meh Saut Iya

Bacha Rome 7:24-25

1. Udah kitai ninga semua berita ti jai tu, kitai jangka berunding kati bisi pengadang ti bukai untkup mensia.
2. Berita ti manah bisi ba Jesus Kristus – Iya mati kategal ukum dosa kitai.
3. Enti kitai pulai ngagai pun, kitai nemu sebedau dunya tu digaga Allah Taala endang udah bisi langgur, Jesus Kristus deka mati ba atas kayu regang kategal dosa mensia.
4. Semina darah Jesus ulih nuchi dosa kitai lalu ngemulaika baru kaul kitai enggau Allah Taala.
5. Naka meh pemesai pengerindu Allah Taala datai ke Iya meri Anak Tunggal Iya mati kategal kitai ngambika kaul kitai enggau Iya ulih pulai manah baru (peda 1 John 4:10).

Ngingatka Ayat

Isaiah 59:2, “Penyai kita empu ti udah nyeraraka kita ari Allah Taala kita; dosa kita empu ti udah ngelalaika mua Iya ari kita, ngambika Iya enda ninga.”.

Pelajar 4

Jesus Idup

A. Jaku Pemuka

Bacha 1 Korint 15:1-8

1. BapPelajar ti dulu agi kitai bisi belajarka pasal Jesus Kristus mati kategal kitai semua.
2. Kitai endang nemu pematit Tuhan Jesus muai dosa kitai.
3. Tang taja bakanya, nya bedau chukup entit pengangkat Tuhan Jesus ari mati enda ditusui ke kitai.
4. Berita manah ianya Jesus mati ke dosa kitai, Iya dikubur lalu ba hari ti ketiga Iya angkat ari mati (idup baru).
5. Mayuh orang ti ngepunka pengarap ba dunya tu ngaku diri empu ulih mai pengelepas.
6. Tang semua sida nya mati magang lalu tubuh sida agi mengkang ba kubur.
7. Kubur batu ti endur ngengkahka Tuhan Jesus udah puang. Tuhan Jesus angkat ari mati! Iya idup! (peda John 20:3-9)
8. Mayuh orang besaksika utai ti nyadi nya. Bisi sekali Jesus ngayan kediri ngagai lima ribu iku sekumbang udah pengangkat Iya ari mati.

B. Atur Allah Taala Dikamatka.

Bacha Kereja Rasul 26:22-23

1. Nadai orang bukai, sitan mega enda ulih ngalahka Anak Allah Taala (peda John 19:11).
2. Jesus nyerahka diri empu diregang (peda Pilipi 2:8).
3. Jesus bisi madah ngagai bala anak murid Iya, Iya deka mati lalu udah nya angkat idup baru (peda Matthew 16:21)

4. Allah Taala ukai semina nunjukka pasal pengawa ba atas regang ngena tanda darah aja ti bisi disebut ba Penyanggup Lama . Tang Allah Taala mega bejaku pasal pelan pengelepas Iya ungkup kitai mensia nengah sida nabi.
5. Ba maya ti udah disemayaka, Jesus ngamatka jaku Allah Taala.
6. Jesus Kristus sedia napi pemedis pemati ti deka diasaika Iya, laban Iya nemu kuasa dalam pemati Iya sereta pengangkat Iya ulih mai kitai selamat ari ukum Allah Taala belama-lama iya. (peda Hebrew 12:2)

C. Kuasa Ba Regang

1. Kitai Ulih Nemu Iya

Bacha John 3:3-8

- (a) Kitai nyembah pengelepas ti idup-Iya endang idup!
- (b) Tuhan Jesus endang ngasuh kitai ngelala Iya enggau bendar.
- (c) Kitai enda patut terus bekaul enggau orang ti udah mati.
- (d) Kitai ulih ngelala Jesus kediri empu laban Iya endang idup.
- (e) Roh ti mati sebedau kitai ngagai kaul enggau Allah Taala deka diangkatka sereta diidupka ulih kereja Roh Kudus dalam kitai.
- (f) Bup Kudus bisi nyebut orang ti ngasaika nya dikumbai “diada ke baru”. (John 3:3-8)
- (g) Roh Kristus ti bisi ba kitai deka mai kuasa pengangkat sereta ngasuh kitai idup.
- (h) Diatu kitai udah dilepaska sereta ulih nemu Allah Taala ti bendar.

2. Kitai Bisi Pemaik.

Bacha Rome 5:1 – 2

- (a) Orang ti nadai Kristus dalam pengidup sida terus diau dalam ukum dosa.
- (b) Sida enda nemu nama utai ti nanggul sida tang ukum dosa selalu ngemeratka ati (pengidup) sida.
- (c) Semina darah Jesus aja ti ulih nuchi kitai ari dosa sereta mai kitai begulai enggau Allah Taala.

- (d) Allah Taala udah ngampun dosa kitai. Bup Kudus bisi madah, Iya enda agi ingat ke dosa kitai. (peda Isaiiah 43:25)
- (e) Diatu kitai udah dilepas lalu bekaul enggau Allah Taala enggau nadai sekat agi; nya sebaka enggau kaul lebuh maya kitai keterubah iya digaga – anang enda ingat kitai mensia tu digaga ulih Allah Taala.
- (f) Dosa udah diambi ari kitai-naka meh berekat kitai ti udah dilepas lebuh nerima Jesus Kristus dalam pengidup kitai.

3. Kitai Puas Ati.

Bacha John 4:13-14

- (a) Ati mensia nyadi puang enti nadai bisi Kristus.
- (b) Mensia naka ulih begiga ke jalai dikena ngisi pengidup ti puang nya.
- (c) Jalai ti dikena sida; begiga ke kereja, ngirup arak, nginsap rukuk, makai dadah, ngumpul pengaya sereta enggau utai bukai.
- (d) Nadai siti pengawa nya ulih ngemuaska pengidup sida belama iya.
- (e) Lalu mensia deka begiga ke jalai bukai dikena ngemantupka pengidup diri.
- (f) Semina siti jalai aja ti ulih mai ati mensia puas ianya ulih penatai sereta kuasa Jesus Kristus.
- (g) Lebuh maya kitai nerima Jesus, dia ati kitai lantang laban kuasa Roh Kudus. Roh Kudus ti ulih ngemuaska kitai ti aus ke ai pengidup, ti meri pengidup ke semengat kitai.

4. Kitai Dilepas Ari Kuasa Pemati

Bacha Hebrew 2:14-15

- (a) Jesus udah ngalahka kuasa pemati lebuh maya Iya angkat idup baru (Kereja Rasul 2:24).
- (b) Lebuh Jesus bisi dalam pengidup kitai, kuasa pemati nadai bekuasa ngikat kitai agi. (peda Kolosi 3:3-4)
- (c) Pemati nya utai ti amat dikenakutka mensia – naka meh pemedis enti diau ba api neraka ti merirang enda nemu padam.

- (d) Tang dalam Kristus kitai udah dilepas ari penakut enggau ukum.
 - (e) Semaya Allah Taala ti tetap belama iya bisi dalam Kristus (peda John 5:24).
5. Rantai Antu Sitan Uдах Putus Ba Kitai.
- (a) Ba runding sitan iya udah ngalahka Kristus lebuh Kristus mati ba regang.
 - (b) Tang Allah Taala udah ngena sitan empu, ti nunjukka pengelabuh kuasa sitan.
 - (c) Lebuh maya Jesus angkat idup baru, Iya udah menang atas antu sitan (peda 1 John 3:8, Kolosi 2:14-15).
 - (d) Lebuh barang orang besaum enggau Kristus, iya deka angkat sama enggau Kristus.
 - (e) Sitan enda ulih nguasa tauka merintah kitai agi.
 - (f) Dalam Jesus kitai udah ngalahka serang antu sitan.
 - (g) Anang agi takut ngelaban serang antu sitan ti ari pemetang (peda Epesus 6:12).
6. Kuasa Pengerai Allah Taala Diberi Ngagai Kitai.
- Bacha 1 Peter 2:24-25
- (a) Lebuh Allah Taala terubah ngaga mensia, kitai ukai diasuh bepenyakit tauka ditinggang pemerinsa.
 - (b) Allah Taala ngaga kitai nadai penimpang nadai pengurang ba seluruh tubuh, semengat enggau roh.
 - (c) Allah Taala meri kuasa pengerai Iya ngagai kitai ngena darah Jesus ti pansut ari tubuh Iya, lebuh Iya diregang.
 - (d) Mayuh orang ti pemabuk tauka orang ti gian makai dadah datai ngagai Jesus sereta nerima Iya. Sida nya udah berubah bendar sereta bulih pengidup ti baru.
 - (e) Mayuh orang bulih kuasa pengerai ba batang tubuh lebuh sida nerima Jesus dalam ati.
 - (f) Kuasa pengangkat Allah Taala udah negu seluruh tubuh mensia.
7. Meri Pengidup Ti Penuh.

Bacha John 10:10

- (a) Jesus angkat ari mati lalu meri pengidup ngagai kitai.
- (b) Pengidup nya ukai semina ba serega aja, tang pengidup ti penuh sereta menyana deka dikembuan kitai di dunya tu mega.
- (c) Kitai bisi kuasa sebaka enggau kuasa ti ngangkatka Jesus ari pemat (peda Epesus 1:19-20).
- (d) Kitai bulih pemenang ulih kuasa pengangkat Jesus ti bekereja ba kitai.
- (e) Kristus ukai semina nuchi kitai ari dosa aja.
- (f) Tang ngena kuasa pengangkat Iya ti bekereja ba kitai, Iya ulih ngasuh kitai ngereja pengawa ti ngerinduka Allah Taala.
- (g) Lebu ti bejalai enggau Allah Taala, kitai mega nadai ditagang ti deka bulih pengidup ti menyana diatu.

Ngingatka Ayat

John 14:6, Jesus lalu bejaku ngagai iya, “Aku tu meh jalai, pemendar, enggau pengidup. Nadai orang ulih datai ngagai Apai enti enda nengah Aku..

Pelajar 5

Saut Kitai

A. Jaku Pemuka

1. Jesus nebus semua mensia ngena darah Iya sereta mulaika baru kaul kitai enggau Allah Taala (peda Hebrew 10:19-22).
2. Semua kitai udah nemu pasal darah Jesus sereta kuasa pengangkat Iya.
3. Tang, enti kitai enda ngasuh darah Jesus nuchi ati kitai, kitai enda bulih pengelepas ti bendar ari ulun dosa.
4. Pengelepas ulih darah Jesus nya ti nyadi ke pemerri ti enda bebayar, ngagai genap iku orang ti nerima sereta ngereja iya dalam pengidup sida.

B. Arapka Darah Jesus

Bacha 1 John 1:8-9

1. Sebedau datai ngagai Allah Taala, kitai patut ngelengkaka dulu dosa ti nyerara kitai ari ti bekaul enggau Iya.
2. Semina darah Jesus aja ti ulih muai dosa kitai mensia.
3. Lebu kitai minta ampun ari Allah Taala ke pengidup ti bedosa, kitai ngena darah Jesus.
4. Kitai ngaku diri beguna bendar ke Allah Taala ti ulih nyaup kitai.
5. Lebu kitai ngereja nya, dia Allah Taala besemaya ngampun dosa kitai sereta meresi ati kitai ari dosa.

C. Ngembuan Ngesal Ati Ti Amat.

1. Ngesal ati nya singkang ti keterubah lebu kitai deka nerima pengelepas ari Allah Taala nengah Jesus Kristus.
2. Ngesal ati jauh besai reti ari kitai ti semina nemu diri bedosa ba mua Allah Taala.
3. Ngesal ati ti bendar ianya ngelengkaka dosa diri lalu pulai baru ngagai Allah Taala.

4. Kitai minta ampun ukai ngena mulut tauka ngasai kediri udah salah aja, tang patut ngaku dosa diri enggau ati ti bebendar (peda Kereja Rasul 2:37).
5. Kitai enda tau enda mutuska ati deka ngelarika diri ari jalai pengidup ti bedosa ngagai jalai ti dikerinduka Allah Taala (peda Jaku Dalam 28:13)

D. Enggau Pengarap

Bacha Rome 10:9-10

1. Pengarap retinya orang ti bepanggai ba Allah Taala taja iya enda meda Allah Taala.
2. Pengarap nya meh jalai ti ulih mai bekaul enggau Allah Taala (bepanggai ba Allah Taala).
3. Pengelepas tu retinya dosa kitai diampun; ulih pengidup, pematir sereta pengangkat Yesus.
4. Kitai diselamatkan ari ukum enggau kuasa dosa lebu kitai nerima pengelepas ti datai ari pengasih Allah Taala nengah Yesus Kristus ti patut dikarap (Epesus 2:8-9).
5. Yesus udah meli kitai enggau darah Iya ti siuh ba atas kayu regang.
6. Pengelepas semina tau diulih ke kitai ari pemerir Allah Taala ti nadai bebayar nengah pengarap dalam Yesus ti nyadi ke pengelepas enggau Tuhan kitai (Rome 6:23).
7. Pengelepas retinya kitai dilepaska ari genggam antu sitan ti diau dalam pengidup kitai – ari nya kitai ti udah dilepas, patut bendar rindu sereta mela Allah Taala.
8. Pengarap tu ianya arap dalam ati kitai ke semua utai ti udah disebut Allah Taala nya amat, lalu ari nya kitai tau bulih pengidup ti meruan nengah Yesus ti ungup kitai.

E. Nerima Yesus

Bacha Pemandang 3:20

1. Yesus enda mejal diri tama ke dalam pengidup genap iku mensia.
2. Pengerindu ti amat datai ari saut dalam ati.
3. Yesus nekung pintu ati mensia ke diatu.

4. Jesus endang ngansak mensia ngambika muka ati lalu ngelaluka Iya tama.
5. Jesus besemaya Iya deka datai baru lalu begempuru enggau kitai.
6. Nya meh semaya ti bendar! Allah Taala ngaga kitai awakka kitai begempuru enggau Iya, Iya datai sereta diau dalam kitai (2 Korint 13:5).
7. Ngena kuasa Roh Kudus ti bekereja dalam kitai, Iya deka ngubah seluruh pengidup kitai ari dalam nyentukka di luar.
8. Allah Taala bisi bejaku, “Datai ngagai aku nengah darah Jesus, lalu Iya deka bekereja enggau kuasa ti kudus dalam pengidup nuan.”

F. Asuh Jesus Nyadi Ke Tuhan Dalam Pengidup Nuan.

Bacha Kolosi 2:6

1. Anang ngaku ngapa Jesus nyadika Tuhan nuan (Rome 10:9-10).
2. Lebu kitai ngaku enggau bendar kuasa regang, kitai udah madahka Jesus nya Tuhan atas semua utai (Pilipi 2:8-11).
3. Uдах kitai nerima Jesus, utai ti beguna bendar ianya kitai ngasuh Iya amat nyadi ke Tuhan lalu bekuasa penuh dalam pengidup kitai .
4. Pengidup ti semina ngeyenangka diri empu enda mujur (Matthew 10:39).
5. Pengidup ti bendar ianya deka ngereja nitih ke peneka Allah Taala.

Ngingatka Ayat

Rome 10:9, “laban enti kita ngaku ngena mulut kita Jesus nya Tuhan, lalu dalam ati kita arapka Allah Taala udah ngangkatka Iya ari mati, kita deka diselamatka.”

Pelajar 6

Roh Kudus

A. Jaku Pemuka.

1. Jaku Tuhan terang bendar ngajar pasal siku Allah Taala aja.
2. Iya ngayan kediri empu ngena tiga chara.
3. Allah Taala Apai, Allah Taala Anak, Allah Taala Roh Kudus, semua nya nerangka Allah Taala tiga dalam satu (siku Allah Taala aja).
4. Roh Kudus raban ti ketiga dalam satu nya, mega Allah Taala.
5. Tuju Roh Kudus tu ianya, ngayanka semua pengawa ti dikereja Allah Taala.
6. Roh Kudus tu ianya Roh Pemendar – Iya deka nunjukka kitai ngagai pemendar.
7. Lebu kitai nerima Jesus nyadi ke pengelepas, Roh Kudus diau dalam ati kitai – ngaga kitai baka rumah Iya – Iya datai deka begulai enggau kitai.
8. Pengidup Kristian ianya pengidup ti diiring Roh Kudus ti bisi ba kitai.
9. Roh Kudus mega bisi meri mayuh bengkah pemerih Roh.
10. Pemerih Roh nya ti meri pengelandik dikena mela Tuhan Jesus.
11. Roh Kudus enda nyakal semua utai ti ditulis Iya sereta netapka Jaku Tuhan.
12. Roh Kudus tu ti meri pemereti pasal Jaku Allah Taala lalu meri penemu ti kudus sereta ngiring idup dalam pengidup ti kudus.

B. Nadai Roh Kudus Nadai Bulih Pemujur

1. Kitai enda ulih selamat enti nadai Roh Kudus.
2. Nadai siku ulih nemu pengelepas enti nadai Roh Allah Taala (John 3:5).
3. Kitai enda ulih mereti ke jaku dalam Bup Kudus enti nadai Roh Kudus.
4. Roh Kudus tu ti manchar runding, nanggalka tisik ti ngebap mata kitai.
5. Roh Kudus ti ngasuh kitai meretika pemendar Allah Taala.

6. Kitai enda bulih penetap pasal pengelepas enti nadai Roh Kudus.
7. Roh Kudus ti diau dalam kitai deka besaksi enggau roh kitai pasal kitai ti anak Allah Taala (Rome 8:16)
8. Kitai enda ulih besampi nitih ke peneka Allah Taala enti nadai Roh Kudus.
9. Allah Taala meretika penusah dalam pengidup kitai laban Iya ti mansik dalam ati kitai.
10. Roh Kudus deka meri pengeras ati enggau utai ti berguna, lalu ngiring dalam sampi nuju Allah Taala.
11. Kitai enda ulih besaksi enti nadai Roh Kudus.
12. Enti nadai bisi kuasa Roh Kudus kitai enda ulih ngemenangka orang ngagai Jesus Kristus.
13. Semina Roh Kudus ti ngasuh mensia berasai besalah kategal dosa lalu sida nemu diri berguna ke Jesus Kristus.
14. Kitai enda ulih mela Allah Taala enti nadai Roh Kudus.
15. Kitai mega enda mujur enti nguji ngereja pengawa Allah Taala ngena pengering mensia.
16. Enti Roh Kudus enda ngiring kitai enggau kuasa Iya, kitai enda bulih pemujur.
17. Buah Roh (gaya pendiau ulah Jesus) – buah asal Roh Kudus mansang dalam kitai (Galatia 5:22-23).
18. Roh Kudus ngasuh kitai kudus.

C. Pengawa Roh Kudus

1. Roh Kudus tu baka mensia, tang Iya Roh (John 4:24).
2. Roh Kudus ngembuan pemandai laban Iya nemu semua utai (1Korint 2:11).
3. Roh Kudus bisi pengasai laban Iya ulih ngembuan pengerindu (Rome 15:30).
4. Roh Kudus ulih mikir, ngasai sereta bisi peneka.
5. Roh Kudus tu meri pengidup – nadai orang bukai ulih meri pengidup.

D. Nama Kebuah Roh Kudus Meri Pemei?

1. Pemei roh diberi awakka kitai disikap dalam ngereja pengawa Allah Taala.
2. Pemei roh tu diberi ngambika ngangkatka kitai dalam pengarap.
3. Pemei roh diberi awakka gerija mujur sereta mansang enggau pepadu badas.
4. Pemei roh diberi awakka kitai ulih ngeninggika nama Jesus Kristus.
5. Pemei roh diberi ukai deka nguntung tauka ngangkatka diri empu.
6. Pemei roh diberi ukai ungkup diri empu tang dikena nyaup orang bukai ngambika Allah Taala dimuliaka.
7. Pemei roh patut endar dikereja tauka dikena kitai selalu nitih ke atur Allah Taala ti bisi diterang dalam Bup Kudus.

E. Pemei Roh Kudus

1. Allah Taala ti meri penau dikena mandangka penemu ba Jaku Tuhan ngagai orang bukai ngambika kering bepegai ba Jaku Allah Taala.
2. Pengelandik ngajar Jaku Allah Taala lalu meri pemeitika Jaku Tuhan ti besangkut enggau pengidup orang bukai.
3. Kuasa pengarap betuai ke Allah Taala, ti nadai ba orang bukai.
4. Kuasa ti ulih ngeraika orang ti sakit, tu bepanggih ba pengingin Allah Taala ti deka ngerai sereta ngelepas.
5. Kuasa kereja ajih ti mai orang ngagai Jesus ti deka ngelepas sereta nyadi Tuhan sida iya.
6. Allah Taala – ti meri penau benabi dikena meransang, niri, ngansak, sereta ngasuh orang bukai besedia.
7. Jaku roh (tauka jaku nyelai); jaku Roh Kudus enggau besampi ngena jaku benabi lalu bisi disalin ngagai jaku mensia.

F. Betambah Mansang Dalam buah Roh Kudus.

1. Allah Taala endang Allah Taala ti rindu, pengaga, pemaik, liat ati, penelap, pemadas, penaluk, penyiru sereta nemu nagang diri-lalu nya meh ti dikumbai buah Roh Kudus (Galatia 5:22-23).
2. Tanda anak Allah Taala ti bendar ianya kitai bisi ngembuan buah Roh Kudus - semina orang ti mengkang begulai enggau Jesus aja ti ulih mansutka buah (John 15:2, 4-5)
3. Buah Roh Kudus ianya asil ari pengidup ti selalu bejalai dalam Roh-selalu nyerahka pengidup diri ngagai Allah Taala (Galatia 5:24-25).
4. Kelai orang ti bisi buah Roh Kudus dalam pengidup ianya angkunka Jaku Allah Taala, ngesal ati, rindu muji enggau nyembah Tuhan sereta begempuru enggau nemiak Allah Taala ke bukai.

Ngingatka Ayat

Rome 8:6, “Runding ti ditumpuka ngagai peneka mensia, nuju ngagai pemat, tang runding ti ditumpuka ngagai peneka Roh Kudus, nuju ngagai pengidup enggau pemaik.”

Pelajar 7

Baptisa Enggau Pemakai Tuhan

(1) Baptisa

A. Jaku Pemuka

1. Baptisa tu siti pesan Tuhan Jesus ngagai semua orang ti arap ke Iya.
2. Nya jaku pesan ti patut dititih lalu nadai chara bukai.
3. Baptisa tu enda ulih nyelamatkan kitai; kitai diselamatkan ngena pengasih Allah Taala enggau pengarap ba Jesus ti udah nebus kitai ari ukum dosa.
4. “Baptisa “ retinya “diselam apus”.
5. Baptisa ngelambangka Kristus ti mati ke dosa kitai.
6. Pemereti ti bendar pasal pengawa baptisa tu nyadi kunci pemenang sereta pengelepas pengidup Kristian.

B. Empat Chara Jesus Ngereja Pengawa Baptisa

1. Jesus mati..... Aku begulai enggau Iya.
Lebuh aku mati enggau Kristus dalam pengawa baptisa, Aku udah dilepas ari kuasa dosa (Rome 6:6-7).
2. Jesus dikubur..... Aku sama dikubur enggau Iya.
Lebuh aku sama dikubur enggau Kristus dalam pengawa baptisa, Aku nyadi siku enggau Kristus (Rome 6:3-4).
3. Jesus diangkat Aku diangkat sama enggau Iya.
Lebuh aku diangkatka sama enggau Kristus dalam pengawa baptisa, Aku nerima pengidup ti baru enggau Iya (Rome 6:4-5).
4. Jesus niki..... Aku sama niki Enggau Iya
Lebuh aku angkat ngagai pengidup ti baru enggau Kristus dalam pengawa ti baptisa, Aku duduk begulai enggau Iya dalam perintah serega(Kolosi 3:1).

C. Pengawa Baptisa Tu Ianya.....

1. Tu singkang ti keterubah iya ngagai orang ti baru arap, ti deka ngasi ke Tuhan dalam pengidup iya.

2. Tu nunjukka penaluk sereta ngaku nyadi murid Jesus ba mua orang mayuh.
3. Besaksika pengidup kitai ti mati ke pengidup ti lama sereta diadaka ngagai pengidup ti baru kategal ti besaum enggau Jesus Kristus.
4. Pengangkat kitai ngagai pengidup ti baru ti meri pemenang dalam pengidup roh.
5. Besaum enggau Kristus dalam pematI Iya, dikubur enggau Iya sereta besaum dalam pengangkat Iya.
6. Jaku padah ngagai dunya pasal Kristus ti bendar ba pengidup sida ti arap ti deka nitih ke jalai Iya.

Ngingatka Ayat

2 Korint 5:17, 7 “Nya alai, enti orang nya dalam Kristus, ianyadi mensia ti baru. Iya ke lama nadai agi, iya ke baru, udah datai!”

(II) Pemakai Tuhan

A. Jaku Pemuka

7. Ba pengarap Kristian senentang pemakai Tuhan, bisi dua pekara; roti enggau ai anggur ti ngelambangka tubuh enggau darah Jesus Kristus.
8. Jesus Kristus empu ngereja pengawa ti makai pemakai Tuhan sebedau Iya ditangkap.
9. Nitih ke pesan Jesus, kitai deka ngambi roti ti dipechah sereta enggau ai anggur nyentuk ke Iya datai baru (1 Korint 11:26).

B. Nama Reti Pemakai Tuhan?

1. Ngingatka kitai Jesus ti nyerahka diri enggau penuh ngambika kitai tau bulih pengelepas.
2. Tu maya ti diberekat laban kitai meresa diri enggau silik ba mua Allah Taala.
3. Nya mega pengerami: Jesus datai ke dunya, Iya idup, Iya deka datai baru.

4. Kena ngingatka Jesus Kristus ti udah nyadi mensia sereta enggau pengawa Iya ba dunya (Mark 14:22-25, 1 Korint 11:23-26).
5. Pemakai Tuhan ngingatka kita empat bengkah pekara tu:
 - a. Ngingatka Allah Taala ti bisi pelan ti besai, Iya milih nuan (Epesus 1:4-5).
 - b. Ngingatka Allah Taala udah nganti ukum pemat, Iya nyelamatkan nuan (Rome 5:7-8).
 - c. Ngingatka Roh Allah Taala, Iya nanda nuan nyadi anak Iya belama-lama iya (Epesus 1:13-14).
 - d. Ngingatka pengerindu Allah Taala ti ngidupka nuan (Rome 8:38-39).
6. Dalam Bup Kudus nadai madah jalai ngatur pemakai Tuhan.
7. Iya enda tau enda diambi enggau ati ti badas sereta diberekat; ti nunjukka naka meh berega pengelepas ti diempu kitai nengah Tuhan Jesus Kristus.
8. Kitai enda tau enda ngambi Pemakai Tuhan enggau ati ti deka beserakup tauka seati.
9. Roti nya ngelambangka tubuh Tuhan Jesus ti udah telih ungkup kitai lalu ai anggur ngelambangka darah Kristus ti disiuh kategal kitai.

Ngingatka Ayat

1 Korint 11:26, “Laban genap kali kita makai roti tu, lalu ngirup ari mangkuk tu, kita madahka pemat Tuhan, nyentuk ngagai Iya datai baru.”.

Pelajar 8

Besampi Enggau Nyembah

(I) Besampi

A. Jaku Pemuka

1. Reti besampi ianya berandau enggau Allah Taala-mandangka ulah ti deka bekaul enggau Allah Taala.
2. Besampi tu mandangka kaul antara Allah Taala enggau anak Iya.
3. Besampi ulih ngemujurka semua pengawa. Sampi ngembuan kuasa ti pepadu besai.
4. Semina siti aja kuasa ti ba dunya tu ti ulih nurun ke kuasa serega; ianya nengah jalai besampi.
5. Tu meh kangau sereta utai ti patut dikereja genap iku orang ti dipilih Allah Taala nyadi anak Iya, ti udah ditebus enggau darah Iya.
6. Ngagai genap iku orang ti arap, nadai pengawa bukai ti lebih agi besai ari pengawa ti besampi.
7. Pengerindu ti besampi endang berepun ba Jesus Kristus empu.

B. Nama Reti Besampi

1. Sampi tu ianya randau antara Allah Taala enggau mensia lalu tu berguna bendar dalam ngemansangka kaul enggau Allah Taala.
2. Sampi ti enda mandangka ulah ti berandau enggau Allah Taala ngasuh mayuh orang Kristian lembau tauka nadai bisi pengeransing lebuah besampi.
3. Allah Taala ngaga kitai dua iti pending lalu siti mulut ngambika lansik ninga lalu deka bejaku enggau bendar.
4. Allah Taala ngajar kitai bakani besampi ngambika sampi kitai disaut Iya.
5. Sampi tu ukai deka ngasuh Allah Taala ngereja utai ti kedeka kitai, tang ngambika Allah Taala ngereja nitihka peneka Iya.
6. Allah Taala deka datai sereta merkatka utai ti dipun ka Iya. Kitai enda tau enda lansik ninga nama utai ti dikereja Allah Taala ba kitai.

7. Ninga ke Allah Taala nya utai ti berega bendar sereta tanggung pengawa ngagai genap iku anak Allah Taala ti diadaka baru.
8. Enti kitai mai pekara kitai ngagai Allah Taala sereta dalam intu Iya, nadai utai ke mit ba Iya.
9. Bai semua pekara dalam sampi ngagai Allah Taala-lalu dingaka Allah Taala bejaku enggau kitai (John 10:27).
10. Lebu mayan nuan ngembuan pengidup ti bakanya; kering dalam pengawa ti besampi lalu ngembuan sampi ti bekuasa sereta selalu betunga mua enggau Allah Taala ti ngayan kediri dalam jaku Iya, nuan deka bulih berekat.
11. Sampi tu ianya senjata ti bisa sereta ulih munuh sereta ngerusak pengawa antu sitan.
12. Kitai di pesan enggau berat-rat ngambika enda ngetu besampi (1 Tesalonika 5:17).
13. Aram kitai sama besampi, muji Allah Taala ti bendar lalu meri puji ngagai Iya kategal pengawa ti udah dikereja Iya.

C. Lima Iti Pesan Pasal Besampi.

1. Bejaga lalu besampi selalu (Luke 21:36).
2. Besampi ngambika nuan enda labuh ngagai penguji (Matthew 26:41).
3. Besampi ke bala ti gawa ke Tuhan (Luke 10:2).
4. Besampi ke orang ti megai perintah menua (1 Timoti 2:1-2)
5. Besampi ke munsuh nuan (Luke 6:28).

D. Kemaya Nuan Patut Besampi.

Teladan ti pepadu manah bendar dalam pengawa ti besampi niting hari ditunjukka ulih Tuhan Jesus Kristus empu.

- (a) Tumu pagi hari (Mark 1:35).
- (b) Besampi apus malam (Luke 6:12).
- (c) Besampi bedau makai (Mark 6:41).

E. Nama Utai Ke Dibai Dalam Sampi Nuan?

1. Besampi ungkup diri empu (1 Bansa Israel 4:10).
2. Besampika diri sama diri (James 5:16).
3. Pengawa ti mela bala tubuh Kristus (1 Tesalonika 3:1).
4. Besampika sida ti sakit enggau bisi pemerinsa (James 5:14-16).
5. Besampika orang ti agi diulun dosa (1 John 5:16).
6. Besampika sida ti bedau selamat, awakka Tuhan muka pintu ati sida ngagai Jesus (Isaiah 35:4-5).
7. Besampika semua bansa ba dunya tu (Mark 11:17).

Ngingatka Ayat

2 Bansa Israel 7:14, “enti nemiak Aku ngemaruhka diri, besampi ngagai Aku, lalu ngelengkaka jalai sida ke jai, nya baru Aku deka ninga sida ari serega, lalu ngampun dosa sida, sereta ngeraika menua sida.”

(II) Sembah

A. Jaku Pemuka

1. Bup Kudus terang bendar madah; kebuah mensia digaga Allah Taala awakka nyembah Allah Taala empu.
2. Tiga iti pesan Allah Taala keterubah dalam Sepuluh Pesan endang nerangka, kitai patut nyembah Allah Taala siku aja.
3. Tuhan endang deka ke kitai nyembah Iya, awakka pengawa tu dikereja enggau pengerindu sereta diserahka ngagai Iya ti bekuasa.
4. Sembah tu patut berengkah dalam ati kitai mensia.
5. Tuju sembah tu endang ba Tuhan Jesus Kristus siku aja.

B. Nama Reti Nyembah?

1. Nyembah ianya ngelala sereta ngaku Iya ti Tuhan tang aku semina mensia.
2. Nyembah tu berguna ke ati kitai lalu pengawa tu mesti ditunjukka enggau kereja.
3. Nyembah tu ianya ulah ti dipandangka mensia ngagai Tuhan lebuah kitai mensia betunga mua enggau Allah Taala.
4. Nyembah tu ianya meri ngagai Allah Taala laban tu datai ari pengasai ati kitai ti rinduka Allah Taala.
5. Nyembah tu jalai pengidup –tu nyengkaum semua utai ti digaga sereta disebut kitai.
6. Nyembah retinya ngelala Allah Taala lalu ngasuh kaul kitai enggau Iya lebih semak agi.
7. Tuhan semina rinduka orang ti amat-amat nyembah Iya, ianya orang ti nyembah Iya dalam Roh enggau pemendar (John 4:23-24).

C. Ngemesaika Tuhan

1. Kitai bisi penau kena ngemesaika Iya ti pengaga kitai enggau puji sereta sembah ti diberi kitai ngagai Iya (Masmur 34:1-3).
2. Sembah ti bendar mai pengelantang enggau pengerindu ngagai ati Allah Taala.

D. Puji

1. Puji tu ianya pengasai ati kitai ti deka meri mulia sereta terima kasih ngagai Tuhan.
2. Lebuah kitai muji Tuhan, kitai madahka pemanah Tuhan sereta ngerundingka semua pengawa ti nyelai ti nyadi ti udah dikereja Iya .
3. Puji mega kitai ngaku enggau mulut kitai ulah sereta kuasa Iya.
4. Ni maya kitai muji Tuhan:
 - (a) Barang maya (Masmur 34:1).
 - (b) Dalam semua utai (1 Tesalonika 5:16-18).

E. Gaya Kitai Nyembah Nitihka Dalam Bup Kudus.

1. Enggau Mulut:
 - Belagu (Masmur 147:1).
 - Manjung (Masmur 66:1).
 - Muji (Masmur 103:1).
 - Jenuh (Habakuk 2:20).
2. Enggau jari:
 - Nempikka jari (Masmur 47:1).
 - Ngangkatka jari (Masmur 134:2).
 - Bemain ke tabuh (Muzik) (Masmur 150:3-5).
 - Meri Pemerri (Masmur 96:8).
3. Enggau Tubuh:
 - Meremi, besugang (Masmur 95:6).
 - Merejuk sereta betanda (Luke 6:23).
 - Bediri (Nehemiah 9:5).

F. Kebuah Kitai Nyembah Allah Taala Nitihka Dalam Bup Kudus.

1. Laban Iya endang Tuhan (Masmur 95:7).
2. Laban Iya ti merintah kitai (Masmur 148:1-3).
3. Laban Iya ti bemulia (Masmur 18:3).
4. Kategal penaluk ati Iya (Masmur 100:5).
5. Kategal pengerindu Iya (2 Bansa Israel 2021).
6. Kategal Iya ti bekuasa (Masmur 95:3).
7. Laban Iya ti penyelamat sereta pengelepas (Masmur 27:1).

8. Kategal pengawa besai ti udah dikereja Iya (Masmur 145:4,6).
9. Kategal Iya ti pemadu Kudus (Masmur 99:3,5).
10. Kategal Iya ti pengaga semua utai (Pemandang 4:11).
11. Kategal kuasa Iya (Pemandang 11:17).
12. Kategal pengawa ajih ti udah digaga Iya (Matthew 9:8)

Ngingat ka Ayat

John 4:24, “Allah Taala endang Roh, lalu orang ke nyembah Iya enda tau enda nyembah Iya dalam Roh enggau pemendar.”

Pelajar 9

Nanam Sereta Ngetau.

A. Jaku Pemuka

1. Pemujur dalam pengidup kristian nitih ke atur Tuhan-iya ti nanam mayuh deka bulih mayuh (2 Korint 9:6).
2. Pengarap kitai mansang enti kitai nitih ke atur Tuhan pasal nanam enggau ngetau.
3. Enti kitai nanam ke Tuhan kitai mega deka ngetau ke Tuhan.
4. Enti kitai nanam ngagai Tuhan kitai mega deka ngetau ari Tuhan.
5. Enti kitai nanam enggau ati ti ringat kitai mega deka ngetau enggau pengeringat.
6. Mensia ti bepengarap nanam ke Tuhan (2 Korint 9:6-15).
7. Tuhan merkatka sida ti nanam ke Iya lalu enggau nya sida deka bulih seratus kali lipat (Matthew 19:29).
8. Belajar bakani chara atur ari Allah Taala tu awakka tau nyadi dalam pengidup kitai genap hari.
9. Tuhan enda ngemaruhka nuan laban Tuhan Jesus empu bisi madah: “Orang ti meri deka lantang agi ari orang ti nyambut”. (Kereja Rasul 20:35).
10. Nadai utai ti ulih dikena mandingka pengawa ti diterima kitai ari pemeru ti diberi kitai ngagai Tuhan laban pemeru kitai tu deka mai berekat ngagai orang bukai ti beguna ke iya.

B. Bekerjasama

1. Beguna bendar kitai nemu, utai ti dikembuan kitai endang datai ari Allah Taala.
 - (a) Kitai ukai orang ti bempu ke utai ti kemisi kitai tang kitai semina nyadi pengatur.
 - (b) Semua utai ti digaga endang enggi Tuhan magang.
 - (c) Semua utai ti dikemisi tauka diempu kitai baka pangkat, kereja, ruang bilik, duit enggau utai bukai, semua tu endang enggi Allah Taala magang.
 - (d) Tuhan udah meri semua utai tu awakka enggau semua nya kitai ulih ngelantangka diri (1 Timoti 6:17).
2. Beguna bendar kitai mereti pasal pengawa ti ngatur utai ti dikemisi kitai laban semua tu endang berengkah ari kitai empu.
 - (a) Tuhan Allah Taala bempu semua utai tang ngasuh kitai mensia ti ngatur semua tu; kitai empu nemu bakani kitai deka ngemata sereta nyaga iya ke Tuhan.
 - (b) Kitai bisi tanggung pengawa ti berat dalam pengawa ti ngatur sereta ngintu semua utai tu.
 - (c) Tuhan deka ke kitai betanggung jawab dalam pengawa ngatur sereta nyaga semua utai ti udah diberi Iya ke kitai (Matthew 25:14-30).
1. Pengawa ti ngatur sereta ngintu dalam pengidup kitai ti udah arap ke Tuhan nyengkaum:
 - (a) Pengidup kitai (Kereja Rasul 17:25).
 - (b) Jam/Awak kitai (Masmur 90:12).
 - (c) Pemeris sereta penau kitai (1 Peter 4:10).
 - (d) Pengeraja tauka semua utai ti dikembuan kitai (Matthew 6:19-21).
 - (e) Duit kitai (Matthew 6:24).
 - (f) Berita Injil (1 Korint 9:16-17).

C. Nama Reti Pemeris Sebagai Ari Sepuluh Bagi?

1. Pemeris sebagai ari sepuluh bagi pemisi ti diterima kitai diberi kitai ngagai Tuhan dikena ngereja pengawa Tuhan.

2. Sebagai ari sepuluh bagi pemisi tauka gaji kitai endang patut diberi kitai ke Tuhan laban tu deka dikena ngereja pengawa Iya empu.
3. Tuhan meri utai ti dipeguna kitai mensia, endang nengah mensia empu.
4. Kitai enda tau enda ingat, semua utai ti dikemisi kitai endang pemeru ari Allah Taala magang.
5. Ari nya, pemeru sebagai ari sepuluh bagi tu semina pemeru ti mit ari kitai, lalu nya jalai kitai berterima kasih ngagai Tuhan, ke utai ti udah diberi Iya ke kitai.
6. Lebu kitai enda berundingka utai ti udah diberi Tuhan ngagai kitai, nya mandangka pengerangka sereta penyumbang kitai empu, lebih agi lebu kitai enda meri pemeru sereta pemeru sebagai ari sepuluh bagi ngagai Tuhan.
7. Lebu maya meri, kitai udah ngaku Tuhan tu endang ngempu pengidup kitai.
8. Nuan udah muka ati nuan ke berekat ti manah ari Tuhan.

D. Nama Kebuah Kitai Meri Sebagai Ari Sepuluh Bagi?

Bacha Malaki 3:1-12

1. Jaku tu ngingatka kitai pasal pengerindu sereta penetap ati Tuhan ke kitai.
2. Enti kitai enda ngasi ke Tuhan sereta enda bebasa ke nama Tuhan ti Kudus kitai deka disumpah ulih Tuhan empu.
3. Jaku ti ditulis ulih Nabi Malaki nerangka mensia ti udah dipilih Iya empu, udah limbang sereta bedosa enggau nyembah petara ti nadai reti.
4. Sida udah nyimpanka diri empu semua pemeru sereta pemeru ari sepuluh bagi tu lebu enda meri iya ngagai Tuhan.
5. Enggau pengawa ti udah digaga sida tu, sida udah mechahka kaul diri enggau Tuhan ari nya ukum Tuhan datai ba sida iya.
6. Utai ti manah ianya ukai semua sida iya udah limbang laban bisi mega iya ti mengkang lurus ati-sida tu rindu sereta muliaka nama Tuhan.
7. Semaya Tuhan endang tetap nganti sida ti ngasi sereta taluk ke Iya.
8. Tuhan meransang kitai awakka kitai meri peluang ngagai Tuhan empu dikena nentuka semaya Iya, endur Iya deka merekatka kitai enggau berekat ti belipat-lipat, ti enda ulih ditagang.

9. Jaku tu beguna bendar ke semua kitai diatu enggau ke jemah ila.
10. Lebu kitai meri sebagai ari sepuluh bagi utai ti dikemisi kitai ngagai Tuhan, kitai mandangka diri empu selalu ingat ke Tuhan ti ngempu semua utai lalu nama Iya deka dimuliaka belama-lama iya.
11. Enti kitai ngasika jaku Tuhan lalu selalu meri sebagai ari sepuluh bagi pemeru kitai ngagai Tuhan, Iya deka merekatka kitai.
12. Awakka kitai terus mansang sereta ngelantangka diri enggau kaul kitai enggau Tuhan empu.

Ngingatka Ayat

2 Korint 9:6-7, “Ingatka jaku tu: orang ke nanam mimit, deka ngetau mimit, lalu orang ke nanam mayuh, deka ngetau mayuh.

7 Genap iku kita patut meri nitihka pmutus runding diri, ukai enggau ati ti lembau, tauka ari pejal, laban Allah Taala rinduka orang ke meri enggau ati ti gaga.”

Pelajar 10

Penangi Ti Kudus Ke Allah Taala

A. Jaku Pemuka

1. Reti nangika Allah Taala ti bendar ianya ngembuan pengasai ti kudus, bisi penelap, nunduk sereta bebasa ngagai Allah Taala ti pemadu bekuasa.
2. Nangika Allah Taala ianya ngelala sapa Iya ti bendar.
3. Allah Taala endang kudus, pemadu bekuasa, lurus, tuchi, enda bechiping, nemu semua utai, bempu semua kuasa sereta landik.
4. Lebu may kitai nemu sapa Allah Taala ti bendar lalu nemu sapa kitai empu, kitai deka meremika diri lalu enggau ati ti bebasa ngemaruhka diri.
5. Lebu may kitai ngenggam pengasih Allah Taala ti bendar ngagai kitai, dia kitai deka beterima kasih kategal penalam pengerindu Iya ke kitai.
6. Kitai ulih nyeliahka diri ari penyai enti ati kitai mengkang meruan nangika Allah Taala.

B. Nama Kebuah Patut Nangi Ke Allah Taala?

1. Nangika Allah Taala mai kitai ngelala Iya enggau bendar.
2. Ngemansangka diri nangika Allah Taala ianya ngasika pesan Iya, ti meri kitai pengidup ti penuh pengarap ke Tuhan (Pengajar 12:13-14).
3. Allah Taala nyerahka diri deka bekempit sereta nyadi ke pangan ti meruan ngagai orang ti bebasa ke Iya sereta ngangkatka nama Iya ti pemadu tinggi.
4. Nangika Allah Taala ukai reti nya takut ke Iya.
5. Allah Taala deka ke kitai nitih ke Iya enggau pengerindu ukai enggau penakut.
6. Dikena kitai ngalahka penakut, kitai enda tau enda berunding enggau dalam pasal pengerindu Iya (1 John 4:18).
7. Nangika Allah Taala retinya arap ke Iya, arapka Allah Taala reti nya ngasi ke Iya.
8. Enti nadai penangi ti kuduska Allah Taala, kitai enda nemu diri berguna ke pengelepas.

9. Kingatka! orang ti nangika Allah Taala nya orang ti bepenemu (Jaku Dalam 1:7; 15:33).
10. Enti kitai nangi ke Allah Taala, kitai deka mela Iya (1 Samuel 12:24).
11. Enti kitai nangi ke mensia, kitai tentu mela mensia- kitai enda tau enda milih sapa ti patut dikenangika.
12. Semua bansa udah diselamat tauka diseliah ari pemerinsa lapar pungkang kategal siku orang ti benama Joseph-Iya tu siku orang ti nangika Allah Taala (Pemungkal 41:53-57).

C. Kunchi Ngelala Allah Taala Enggau Bendar.

1. Nuan enda rinduka Allah Taala enggau bendar enti bedau bisi penangi ke Iya.
2. Lalu pia mega nuan enda ulih nangika Tuhan enggau menyana sebedau nuan rinduka Iya.
3. Pengerindu ti ditunjukka nuan bedau menyana laban nuan kurang nangika Allah Taala.
4. Penangi ti kudus ke Allah Taala diayanka ulih Roh Kudus lebu nuan macha Jaku Tuhan.
5. Lalu nya pengawa ti diayanka Roh Allah Taala (Isaiah 11:1-2).
6. Ba penemu nuan, kati deka Allah Taala ngayanka isi ati Iya ngagai orang ti enda beberat ke Iya?
7. Bakani jalai nuan ulih meri basa ti bendar sereta ngemesaika Iya, enti nuan enda berati enggau amat pasal Iya ti pepadu tinggi.
8. Ba Bup Kudus, orang ti dikangauka Allah Taala nyadi ke pangan Iya-ianya sida ti takut ke Jaku Iya sereta penatai Iya lalu pia mega jampat taluk ke Iya (Isaiah 66:2b, Jeremia 5:22).
9. Allah Taala bisi madah, Iya semina deka madahka utai ti diselalaika Iya ngagai orang ti nangi ke Iya (Masmur 25:14).
10. Adam enggau Awa tentu enda labuh ngagai dosa enti seduai iya bisi penangi ngagai Tuhan.
11. Lebu mayu nuan nangika Allah Taala, dia nuan semina betati sereta nitihka peneka Iya lalu ngengkahka Iya ba atas pengidup nuan.

12. Lebuh maya nuan nangika Allah Taala, nuan bepegai-rat ba kuasa enggau perintah Iya ti nyadi Raja enggau Tuhan nuan.
13. Lebuh maya sampi pinta nuan disaut, senang bendar ati nuan deka taluk ke Allah Taala.
14. Orang ti amat nangi ke Allah Taala, meruan taluk tauka ngasi taja dituntung pemedis tauka pemerinsa lalu pia mega taja nadai ngasaika peransang ari Allah Taala.
15. Allah Taala enda amat bisi, lalu mensia digaga ngambika ngemuliaka Allah Taala.

Ngingatka Ayat

Masmur 34:9, “Nangika TUHAN, semua kita ke nembiak Iya, laban orang ke ngasika Iya, nadai kala suntuk utai.”